



Uunga  
Inatsisartunut ilaasortaq  
Jens NapātôK´  
Partii Naleraq

**Utoqqalinersiat pillugit § 37 naapertorlugu apeqqummut nr. 342-mut akissuteqaat**

Asasara Jens NapātôK´,

Qujanaq apeqqutinnut.

21-11-2019  
Sags nr. 2019 - 24297  
Akt. id. 12059969

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

**1. Utoqqaat suli peqqissut sulinermillu ingerlatsiinnarusuttut tapersersorniarlugit Naalakkersuisut qanoq immikkut iliuseqarniarpat ?**

Utoqqalinersiallit suliffeqaannarnissamut aningaasaqarnikkut kajumissaaserneqarnissaat qulakkeerniarlugu Naalakkersuisut inatsisissatut siunnersuut UKA2019/144 saqqummiussimavaat, tassani utoqqaat suliffeqarnermut attaveqaannarusullutik kissaateqartut suliffeqarnermut attaveqaannarnissamut piumassuseqarnerisa patajaallisarniarneqarnerat siunnersuummi siunertaavoq.

Siunnersuutikkut ilanngaata annertusineqarpoq, taamaalillunilu utoqqalinersianut tapisiat aamma toqqammaviumik aningaasartat saniatigut isertitat qaffakkiartortillugit qaqugu annikillitsiartorneq aallartissasoq aamma unitsinneqassasoq pillugit killissarititaasut nikingalersinneqarput. Taamatut siunnersuuteqartoqarneratigut saniatigut isertitaqaraluarluni utoqqalinersiallip utoqqalinersiami ilaa annertunerusoq tigummiinnarsinnaangussavaa.

**2. Utoqqaat 66-inik ukioqalereersimasut sulinermik ingerlatsiinartut qanoq periarfissaqarpat? sulisitsisup utoqqalinissamut akiliutigisartagaasa nalinginnaasumik utoqqarmut akissarsiaanut ilanngullugit tunniunneqartarnissaannut?**

Akilerartarnermut inatsimmi sulisitsisut tapiissuteqarnerat atorfilimmut akissarsiatut akiliutigineqartarnissaanut akornusiisunik aalajangersagaqanngilaq. Akiliineq taamaalilluni nalinginnaasumik unerartitsisussaataasutut A-tut aningaasarsiaassaaq.

Atorfinitsitaanermi atugassarititat aammattaaq amerlasuutigut isumaqatigiissutinit naleqqussarneqartarput. Soraarnerussutisiaqarnermut ingerlatseqatigiiffimmut akiliisoqartarnissaa isumaqatigiissutit assigiinngitsut akornannit nalinginnaasumik qulakkeerneqartassaaq. Atorfilik qassinilluunniit ukioqaraluarluni suliffeqarnermut attuumassuteqarpat, taava sulisitsisup soraarnerussutisiaqarnissamut aqqissuussinnermut akiliisarnini ingerlatiinnassagaa aallaaviuvoq.

Naggataagut ilisimatitsissutigineqassaaq utoqqalinersiaqarsinnaasut ullumikkut 66-iusunik ukioqaleraanni, taava soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat malillugu soraarnerussutisiaqarnissamut aaqqissuussinermut akiliisarnissaq pisussaaffiunngilaq.

**3. Utoqqaat suli peqqissut suliinnarusuttullu utoqqalinersiuteqalernissamut ukiunik angusisimasut suliinnarsinnaanerminnut inatsisitigut qanoq periarfissaqartinneqarpat?**

Utoqqaat utoqqalinersiaqalereerlutik (ukiut 66-it) suliffeqarnermiiginnarnissannut akornutissaqanngilaq, aamma UKA2019/144-ip akuerineqarneratigut utoqqaat suliffeqarnermut attaveqaannarusuttut suliffeqarnermut attaveqaannarnissamut piumassuseqarnerat patajaallisarneqarpoq.

**4. Sooq-una naalagaaffeqatigiinnerup iluani maani nunatsinni utoqqartavut Danmark-imi Savalimmiunilu utoqqalinersiuteqarnerup tungaatigut taama appasinnerutigisunik atugassaqartinneqartut?**

Utoqqalinersiaqarnek pillugu Inatsisartut inatsisaat nr. 20, 23. november 2015-imeersoq malillugu utoqqalinersiat toqqammaviumik aningaasartaqarput aamma utoqqalinersianut tapeqarluni. Nunat avannarliit ataasiakkaarlutik utoqqarnut qanoq qaffasitsigisumik kiffartuusserusunnerlutik namminneq politikkikkut aalajangerpaat.

**5. Naalagaaffeqatigiinnerup iluani utoqqarnut atugassarititaasut assigiinnerulersinniarlugit Naalakkersuisut suliniuteqarniarpaat ?**

Naalakkersuisut utoqqaat pitsanngorsaaviginissaat pillugu suliaqarnissartik kissaatigaat. Inatsisartut ataatsimiinneranni uani suliniutit marluk pingaarutillit, utoqqaat atugaannik pitsanngorsaataasussat ukkassisussallu saqqummiunneqarput – tassaasut utoqqaat illersuisuannik pilersitsinissaq aamma utoqqalinersiallit suliinnarusuttut atugaannik pitsanngorsaanerit. Naalakkersuisut 2020-mi utoqqaat pillugit periusissiamik, utoqqarnut suli pitsanngorsaataasussanik naleqqanik anguniagassartalimmik suliaqarniarput.

**6. Utoqqaat aappaasup isertitai apeqqutaatikkunnaarlugit utoqqalinersiutininik minnerpaaffilerlugit utoqqalinersisalersinnaanerat Naalakkersuisut qanoq isumaqarfingaat?**

Utoqqalinersiaqarnek pillugu Inatsisartut inatsisaat nr. 20, 23. november 2015-imeersup utoqqalinersiat toqqammaviumik aningaasartai aappaasup isertitaanut attuumassuteqanngitsuusut naqissuserpaa. Taamaalilluni inuttaasunut utoqqalinersiat minnerpaaffiisa, aappaasup isertitaanut attuumassuteqartinnagit, akiliutigineqartarnissaat inatsisikkut tunngavissaqarpoq. Tamassuma allanngortinnissaanut Naalakkersuisut eqqarsaateqanngillat.

Inussiarnersumik inuulluaqqusillunga

  
Martha Abelsen